



Uhapšeni Ahmet Sejdić, Ibro Merkez i Ešef Hurić PLANSKI ZATVARALI SRPSKE CIVILE?

• Sejdić se tereti da je naređivao mučenje srpskih civila, Merkez i Hurić da su mu pomagali • Bahto: Hapse se ni krivi, ni dužni

Po nalogu Tužilaštva BiH, pripadnici SIPA jučer ujutro slobode su lišili Ahmeta Sejdića, Ibru Merkeza i Ešefa Hurića, i to na području Sarajeva i Goražda, zbog postojanja osnova sumnje da su počinili krivično djelo iz člana 173. KZBiH - ratni zločin protiv civilnog stanovništva u općinama Goražde, Rudo i Višegrad tokom 1992. i 1993. godine, a u vezi s članom 180. Krivičnog zakona BiH.

Zlostavljanje civila

Kako je saopšteno iz Tužilaštva BiH, Sejdić se tereti da je za vrijeme rata, u općinama Rudo, Višegrad i Goražde, od jula 1992. do februara 1993. godine, u svojstvu zapovjednika Prve višegradske brigade Armije BiH, zajedno sa drugim pripadnicima, naredio i pomagao u pripremanju protuzakonitog zatvaranja, raseljenja i namjernog nanošenja snažne tjelesne i duševne boli desetina civila srpske nacionalnosti i ratnim zarobljenicima Vojske RS-a. Kao posljedica počinjenih zločina, nastupila je smrt više osoba.

- Sejdić je osumnjičen da, iako je znao, nije spriječio njemu određene osobe u namjernom nanošenju tjelesne i duševne boli civilima i ratnim zarobljenicima, navedeno je u saopštenju Tužilaštva BiH.

Dalje se dodaje da se Ibro Merkez i Ešef Hurić, u svojstvu zapovjednika SJB-a Goražde, terete da su sudjelovali u realizaciji zapovijedi Predsjedništva Skupštine opštine Goražde i njenog predsjednika, o koncentraciji srpskog stanovništva koje živi na području Goražda i razoružanju sela Bučje, te sudjelovali u protuzakonitom zatvaranju stanovništva srpske nacionalnosti u prostorijama MUP-a u Goraždu.

**ČETIRI GODINE OPSADE
TO SU MOJE RATNE
KOLEGE. BRANILE SU
GOLI ŽIVOT, ŽIVOTE SVIH
STANOVNIKA GORAŽDA.
TAJ GRAD JE GRAD
HEROJA. ČETIRI GODINE
JE BIO U BLOKADI,
PRIČA EDIM FEJZIĆ**

- Oni se sumnjiče da su planirali, zapovjedili i pomagali u protuzakonitom zatočenju više od 100 osoba srpske nacionalnosti oba spola i različitih starosnih skupina, među kojima je bilo i djece, istaknuto je.

Iz SIPA je saopšteno da će



Ahmet Sejdić: Uhapšen u akciji



Hamid Bahto: Ovo je apsurdno

Čista nepravda

Bakira Hasečić, predsjednica Udruženja Žena žrtva rata, također je ogorčena hapšenjima.

- Svi oni koji su zločin uradili treba da odgovaraju, ali hoću da vjerujem da će pravda pobijediti, a ovo što se čini nad komandantima i istinskim borcima sa područja Goražda je čista nepravda, poručila je Hasečić.

uhapšeni biti predati postupajućem tužiocu koji će ih ispitati, a potom donijeti odluku o pokretanju prijedloga za određivanje mjere pritvora.

Edim Fejzić, bivši ratni komandant sa područja Goražda, kazao nam je da su građani na Drini šokirani, ali i duboko povrijeđeni.

- Sejdić, Merkez i Hurić su moje ratne kolege. Branili su goli život, živote svih stanovnika Goražda. Taj grad je grad heroja. Četiri godine je bio u blokadi. Djeca, žene, starci ubijani su kao životinje snajperima. Sada, toliko godina poslije, dešava se to da se od žrtve pravi agresor. S tim saznanjem, jednostavno smo svi, koji smo iz tog dijela BiH, potišteni, iznenađeni, ogorčeni, kazao je Fejzić, dodavši da, nažalost, niko od onih koji su četiri godine gađali i ubijali nekuđužne civile, nije odgovarao.

- Niko nije uhapšen, niko nije procesuiran. Ogorčeni smo na Sud i Tužilaštvo, naglasio je Fejzić.

Hamid Bahto, ratni general u penziji koji je Sejdiću dvije godine bio komandant, također je rekao da je pogođen ovom viješću.

- To su ljudi koji su najzaslužniji za odbranu Goražda. Odjednom se oni žele predstaviti kao ratni zločinci. To je strašno. To je apsurdno, kazao je Bahto, te dodao da je problem što svi faktori koji rade na procesuiranju

ratnih zločina, počev od međunarodne zajednice, susjednih zemalja, te pravosuđa BiH, hapse sve redom, pa tako i one koji nisu ni krivi, ni dužni.

- Sejdić je bio vrhunski borac. Borio se za pravdu, za svoje Goražde i to je sve što je on radio, dodao je Bahto.

Pod snajperima

Muamer Džananović, viši stručni saradnik u Institutu za istraživanje zločina, osvrnuo se na podatak u kojem stoji da je u Goraždu tokom opsade ubijeno i ranjeno najmanje 548 djece.

- Pred Sudom BiH donesena je prvostepena presuda protiv Dragana Šekarića, kojeg je Tužilaštvo BiH teretilo da je počinio zločin protiv čovječnosti nad nersrpskim stanovništvom, odnosno zločine počinjene u selu Lozje 1992, kada je ubijena i Advira Šahman. Prvostepenom presudom Šekarić je osuđen na 14 godina zatvora za počinjene zločine na području općine Višegrad, ali je oslobođen krivice za zločine u Goraždu. Zašto niko nije odgovarao za počinjene zločine nad nekuđužnim bošnjačkim stanovništvom, zašto se ne vodi niti jedan proces za te zločine? Pitanje je zašto se konstantno hapse bošnjački komandanti koji su herojski odbranili grad na Drini. Nažalost, nismo razumne odgovore, kazao je Džananović. **E. GODINJAK**